



Broj: 04-40-1-45/21
Sarajevo, 15.02.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 12.02.2021. do 08:30 sati 15.02.2021. godine

Kantonalni operativni centar civilne zaštite je u 09:07 sati obavješten od građanina da je se na planini Prenj, na području Općine Jablanica pokrenula lavina i da je zatrpala jednog planinara i da traži pomoć od naše Gorske službe spašavanja. O navedenom je odmah obavješten direktor Kantonalne uprave civilne zaštite Kantona Sarajevo, po čijem je nalogu po propisanim procedurama angažovana naša Služba za spašavanje iz lavina, potrege i spašavanje na vodi i pod vodom, koja je formirana u Gorskoj službi spašavanja, stanici Sarajevo. Deset pripadnika Službe za spašavanje iz lavina, potrege i spašavanje na vodi i pod vodom sa dva vozila su se oko 11:30 sati uputili na lokalitet gdje se desila nesreća. Prema informacijam dobijenim od pripadnika navedene Službe, akcija izvlačenja nastradale osobe je jučer u poslijepodnevним satima obustavljena, a bit će nastavljena u toku današnjeg dana.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 13.02.2021. godine u 14:52 sati, od građanina, da je u ulici Dejzina Bikića br. 145, Općina Centar pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno NUS ukloniti u narednom periodu.



Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 18 intervencija, od 17 manjih intervencija (četiri na gašenju niskog rastinja, četiri na gašenju dimnjaka na stambenim objektima, četiri na gašenju smeća u kontejnerima, jednu na gašenju smeća u haustoru zgrade, jednu intervenciju na gašenju zapaljenog ugostiteljskog objekta, jednu na gašenju ljuljaške u praku, jednu tehničku intervenciju na otvaranju zaglavljenih vrata i jedno naručeno spaljivanje dimnjaka) i jednu veću intervenciju. Veća intervencija je bila dana, 14.02.2021. godine u 04:46 sati na gašenju požara na vikend kući na Nišićkoj visoravni. U intervenciji je učestvovala šest vatrogasaca sa tri vatrogasna vozila. Požar je likvidiran u 11: 21 sati. Povrijeđenih osoba nije bilo, dok je pričinena materijalna šteta.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su pet manjih intervencija i to: jednu intervenciju na gašenju zapaljenog niskog rastinja, dvije intervenciju na gašenju smeća u kontejneru, jednu intervenciju na gašenju smeća u haustoru zgrade i jednu intervenciju na gašenju ljuljaške u praku.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -6°C, vlažnost zraka 72%, barometarski pritisak 959,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1